



REPUBLIKA E KOSOVËS
REPUBLIKA KOSOVA/REPUBLIC OF KOSOVO



Komuna e Kaçanikut
Opština Kaçanik/Municipality of Kaçanik
Zyra e Kryetarit

01Nr.400 01-16234/25

Kaçanik, 23.07.2025

Procesverbal nga Konsultimi buxhetor për projekt buxhetin 2026-2027 sektorin e bujqesise

Vendi: Salla e Kuvendit Kaçanik

Ora 11:00

Data: 23.07.2025

Në vazhdimësinë e konsultimeve publike buxhetore për rritjen e transparencës dhe gjithpërfshirjes komunale, u organizua konsultim buxhetor me sektorin e bujqësisë.

Në fjalën e tij Nënkyetari i Komunës Sabedin Vishi tha se edhe ky takim po organizohet në vazhdimësi të konsultimeve buxhetore, ndërsa shtoi se këto takime po organizohen për të dëgjuar kërkesat e qytetarëve dhe më pas në bazë të mundësive të inkuorohen në buxhetin komunal. Nënkyetari tha se në sektorin e bujqësisë janë tejkualuar shifrat që kanë qenë të premtuara nga Kryetari Ilazi për këtë mandat qeverisës, ku kanë qenë të planifikuar 300 mijë euro, ndërsa ka arritur shuma e subvencioneve në bujqësi afër 1 milion euro, duke bashkëpunuar edhe me organizata ndërkombëtare. Nënkyetari tha se pas rregullimit të kanaleve të ujitjes, vitin tjetër do të investohet në rregullimin e rrugëve fushore për tokat bujqësore. Në takim prezantoi edhe drejtori për Bujqësi dhe Zhvillim Rural Suhad Dullovi, i cili falenderoi fermerët për pjesëmarrje si dhe për punën dhe angazhimin e tyre të palodhur në punët e bujqësisë. Të pranishmit në takim përkrahën idenë për rregullimin e rrugëve fushore, ndërsa kërkuan ulje të kriterëve për subvencione komunale, subvencionim të fermerëve për litër qumështi, subvencionim të pompave të ujitjes, trajnime për fermer nga ekspert të fushës, të përkrahën fermerët që shumëfishojnë subvencionet dhe që punojnë me përkushtim etj.

Fadil Vishi- Administrator i fshatit Dubravë- Jemi mirënjohës për përkrahjen komunale, subvencionet janë të pamjaftueshme për të funksionuar mirë, përkrahim idenë e rregullimit të rrugëve fushore, për shkak se makineritë në bujqësi janë të mëdha dhe shpesh kemi probleme që ato makineri të depërtojnë në vende të caktuara, por poashtu ende ka nevojë për kanale të ujitjes, të subvencionohen lagjet ose fshatrat me pompa të ujitjes për bujqësi.

Shefket Salijaj- Me mundësi të hapen puse, hapja e rrugëve fushore është shumë e nevojshme, kombanjerët e rinj nuk kanë mundur të depërtojnë.

Nuhi Mema- të ulen kriteret për përfitim të subvencioneve, unë posedoj lopë, por tokat i marr me qera. Janë pak fermer që merren me lopë dhe përpunim të qumështit, andaj kërkoj që këta fermer të subvencionohen me një shumë të caktuar për litër.

Ibush Vishi- kanë qenë përfitues i subvencioneve për arra, por e kam shumëfishuar subvencionimin, ka mungesë të ujitjes, të përkrahen bujqit që i shumëfishojnë subvencionet.

Shemsi Luzha- fermer bletar- Kemi fjalë të mira për stafin e drejtorisë së bujqësisë, jemi subvencionu me koshere dhe makineri ju bëj thirrje për trajnime të fermerëve në fusha të ndryshme nga ekspert të lëmisë së caktuar.

Të gjithë ata që parashtruan kërkesat e tyre morën përgjigje në mënyrë të përgjithshme nga Nënkrjetari i Komunës dhe stafi i drejtorisë, ndërsa ditëve në vijim do të përgatitet edhe raporti me të gjitha përgjigjet për secilën kërkesë.

Takimi përfundoi në ora 14:10.

Procesmbajtëse

Fatume Guri Selimi

